

528

46946

陳修園
先生著

南雅堂醫案

上海羣學社發行
第六冊



南雅堂醫案卷六

閩長樂陳念祖修園著

痿症門

病痿有年，兩足軟弱，不能步履，是症治法，擬獨取手陽明一經，蓋手陽明胃為五臟六府之海，主潤宗筋，藉以求骨而利其機關，陽明虛則不能受水穀之氣，以布化精液，是以致成痿躄。今師丹溪法，以虎潛丸主之。

大熟地

三兩酒炒

黃柏

三兩鹽水炒

肥知母

三兩鹽酒炒

龜版

四兩

當歸身

二兩

炒白芍

二兩

淮牛膝

二兩

瑣陽

一兩五錢

虎脰骨

一兩五錢

陳皮

一兩五錢

乾薑

五錢

右藥十一味，杵研為末，用羯羊肉酒煮為丸，如梧桐子大，每服三錢，鹽湯或姜湯送下。

濕熱沈著下焦，足跗疲軟無力，擬主以苦辛之劑，冀由經絡而達

陽明始有轉機

細茵陳 三錢

白朮 三錢

茯苓皮 三錢

黃柏 一錢五分

寒水石 三錢

晚蠶沙 一錢

當夏兩腿疲軟無力口乾溺黃膚熱欬嗽時作常患鼻衄上焦陰液受耗胃中濕熱之氣薰蒸於肺肺為嬌嫩之府金受火刑肺熱葉焦乃生痿癰揆諸經旨理當不謬擬用東垣清燥湯加減治之

黃耆 二錢

當歸身 一錢

麥門冬 一錢

炙甘草 八分

炒黃柏 八分

豬苓 一錢

川連 五分

五味子 五分

人參 七分

白茯苓 一錢

生地黄 一錢

白芍 一錢

枇杷葉 一錢

神麴 八分

陳皮 八分

澤瀉 八分

診得脈形弦遲舌苔滯膩便溏溺少口角流涎左肢痿而不用中虛濕勝之體易於生痰動風內風既動外風自招之易入法以扶中和陽祛風化痰為主

白附子 八分

製半夏 二錢

炒僵蚕 八分

白茯苓 一錢

桂枝 五分

白芍藥 一錢

橘紅 一錢

蝎梢 八分

甘草 五分

水全煎服

病已半載有餘。熱邪留於肺胃。胃熱故消穀易飢。肺熱則覺痿難行。當春天氣暴熱。卧不成寐。舌心乾紅。陰氣更傷可知。今師長沙法。以甘寒主之。

生地 三錢

沙參 三錢

麥門冬 二錢

白茯苓 三錢

知母 一錢五分

酸棗仁 一錢五分

滑石 三錢

百合 六錢

肺為百脈之長。肺熱葉焦。則津液不能灌輸經絡。致成為痿。臂脈細而數。舌絳無苔。肌肉瘦削。咳嗽痰臭。何一非津液內涸。燥火亢烈之象。然稽諸內經。治痿獨取於陽明。以胃為氣血之海。主潤宗筋。故也。茲擬生胃津以上供於肺。使土旺而金自生。是即養母壯子之義。

枇杷葉

三錢
去毛

沙參

三錢

阿膠

二錢

杏仁

二錢
去皮尖

天門冬

一錢五分

麥門冬

一錢五分

白茯苓

二錢

玉竹

一錢

冬桑葉

二錢

元參

一錢

火麻仁

一錢

甘草

八分

脈數肌瘦色蒼左肢偏癱擬從金匱肺熱葉焦則生痿躄例治

大沙參

三錢

麥門冬

二錢

甜杏仁

二錢

玉竹

二錢

地骨皮

一錢五分

百合

四錢

水全煎服

外受雨濕之氣加以水穀濕熱內蘊傷及經脈漸致筋骨痿弛氣

隧不通慎弗久延致劇

大豆卷

二錢

杏仁

三錢
去皮尖

飛滑石

三錢

通草

一錢

木防己

二錢

水全煎服

長夏氣泄太過入秋收肅無權右肩臂及足跗漸致痿躄陽明脈

絡空虛厥陰風木內動症屬虛候擬先用通攝一法

大熟地

三錢

肉蓯蓉

二錢

枸杞子

二錢

白茯苓

三錢

川石斛 二錢

遠志 一錢

石菖蒲 一錢

牛膝 一錢五分

形體充壯。色蒼脈實。平時酒醴甘肥。釀成濕熱。蘊結下焦。自述少腹有氣上衝作脹。兩足沉重。艱於行動。大小便瀉。腿中覺有熱氣。此即內經所謂濕熱不攘。大筋縴短。小筋弛長。縴短為拘。弛長為痿是也。擬用苦寒為驅濕清熱之計。方列后。

細茵陳 三錢

黃柏 一錢五分

茯苓皮 三錢

晚蠶沙 一錢

川萆薢 一錢

漢防己 二錢

黑山梔 二錢

青黛 八分

龍膽草 一錢

淮牛膝 一錢

內經治痿。獨取陽明。以主潤宗筋束骨而利機關也。今胃土虛弱。不能運化水穀。津液無以灌輸。宗筋失於所養。痿躄由是而作。茲宗經旨。製方列后。

紫苑 三錢

蒼朮 二錢

黃柏 一錢

天門冬 五錢

淫羊藿 一兩

去刺

水全煎服

望六之年。陽氣漸衰。陽明脈絡空虛。不主束骨以利機關。入夏陽氣升泄。頭目如蒙。肩肢痺麻。兩足痿疲乏力。絡熱內風旋動。為下虛上實之症。若徒事利濕化痰。奚望有濟。擬先清營熱以熄內風為合。

鮮生地

三錢

連翹

二錢

元參

一錢

鈎藤

一錢

冬桑葉

二錢

粉丹皮

二錢

明天麻

一錢

犀角

五分

心熱煩渴。腰膝兩足屈伸不利。脈象濡弱右大。乃下焦真陰已虧。

熱燥筋骨而為痿躄。今仿丹溪虎潛丸法加減。

熟地黃

三錢

知母

三錢

川黃柏

三錢

當歸身

二錢

炒白芍

二錢

淮牛膝

二錢

龜版

四錢

元參

二錢

乾薑

五分

虎脰骨

錢半

肝腎俱虛。熱淫於內。肝主筋。腎主骨。痿弱不能步履。是肝腎為病也。擬用三因四斤丸法加減主治。



乾地黄 二兩

肉蓯蓉 二兩
酒浸

淮牛膝 一兩五錢
酒浸

木瓜 一兩五錢
酒炒

杜仲 二兩

兔絲子 二兩
炒

鹿茸 一兩五錢
酥炙

右藥共研為末，煉蜜丸如梧桐子大，每服二錢，溫酒或米湯

送下。

精血不足，肝腎失養，致筋骨痿弱，行動不便，但病已兩年有餘，正氣多虛，亦應兼顧，為安，茲酌列兩方如左。

炙龜版 四兩

虎脰骨 一兩
酥炙

黃柏 三兩
酒炒

知母 三兩
酒炒

熟地黄 三兩

淮牛膝 二兩
酒蒸

白芍 二兩
酒炒

陳皮 二兩

瑣陽 一兩五錢

當歸身 一兩五錢
酒洗

白茯苓 二兩

炙甘草 八錢

右藥共研為末，以羯羊肉酒煮爛，搗勻，和前藥為丸，早晨每

服三錢，鹽湯或黃酒吞下，下午可用湯劑。

又方 人參 一錢五分

炒白朮 二錢

白茯苓 二錢

炙甘草 五分

製半夏 二錢

陳皮 八分

黃柏 二錢
酒炒

蒼朮 二錢
米泔浸炒

淡竹瀝 一盞

薑汁 半杯

水全煎午後服

下元虛憊痿弱不耐步履當夏濕熱內淫經脈流行不利腿足時覺痠楚大便忽澹忽閉皆由肝腎為病然益下之劑並須宣通脈絡斯為正治之法久服冀有功效方列后

大熟地

炒三兩

肉蓯蓉

二兩

巴戟天

二兩

遠志

一兩

當歸身

三兩

白茯苓

三兩

桑椹

二兩

炒白朮

三兩

鹿角霜

五錢

小茴香

一兩

金毛狗脊

一斤

右藥十一味先以狗脊用酒蒸透熬成膏和前藥搗爛為丸每服三錢淡鹽湯送下

素性嗜飲濕熱必盛致氣血阻滯肌肉痺麻不仁下體重著難移大凡痿躄在下病屬肝腎居多無非濕邪沈著為患但久病不宜遽行攻伐緩圖當有轉機

細生地

三錢

川石斛

二錢

淮牛膝

一錢五分

黃柏

一錢五分

肉苁蓉 二錢

當歸鬚 二錢

刺蒺藜 一錢

川草薢 二錢

自述素有夢遺之患。精血內奪。無以營養筋骨。腰脊偃僂不伸。周身骨節盡痛。澀然汗出不解。冬月尤甚。擬溫通太陽督脈。以香茸丸主之。

麝香 一錢

鹿茸 三兩

當歸身 二兩

生川烏 五錢

右藥四味各研細末。以雄羊腎三對。用黃酒煮爛。將前藥和勻。搗為丸。每服一錢。開水送下。

病已三載有餘。遇冷筋掣。兩足痿弱無力。溺後精滑。肝腎虛已可知。擬用通攝下焦法。

生白朮 三錢

川杜仲 三錢

肉苁蓉 二錢

白茯苓 三錢

金毛狗脊 三錢

川石斛 二錢

水全煎服

積聚門 癥瘕痞附

臍下有形。發則覺有氣自小腹上衝心腕而痛。名曰奔豚。是為腎積。

泡附子 五錢

肉桂 五錢

吳茱萸 五錢

當歸身 五錢

川楝子

一兩

李根白皮

一兩

白茯苓

四兩

川樸

姜炒一兩

炙甘草

一兩

川芎

五錢

瞿麥穗

五錢

沉香

一錢五分

木香

一錢五分

右藥十三味

共研細末

每服三錢

薑湯送下

素有積聚腸腑不通濕熱內阻食物難化法宜和中

炒白朮

二錢

蒼朮

二錢

淡黃芩

二錢

枳實

一錢

白芍藥

一錢五分

萊菔子

一錢五分

陳皮

八分

雞內金

二錢

陽氣式微陰濁僭佔午後即覺疲倦暮夜痛發擬用溫通一法

製半夏

二錢

人參

一錢

吳茱萸

一錢

白茯苓

三錢

炒白芍

一錢五分

薑汁

半盞

水全煎服

病由嗔怒而起腹痛有形緩則氣下鳴響泯然無迹木強侮土是

乃痼疝之屬土虛兼挾積滯若徒施以攻導恐變中滿之慮近復

腹痛泄瀉延久防成滯下治之宜慎

川樸

一錢

炒白芍

二錢

白茯苓

三錢

陳皮

一錢

益智仁一錢 炒

丁香一錢

水全煎服

食入而痛。是必有積。脈形弦數。面黃苔白。小便熱黃。乾咳不爽。定有
溼熱。食痰內阻。為患邪無從出之路。是以鬱而為痛。茲用越鞠加味法。

蒼朮二錢 米泔浸炒

黑山梔二錢

赤茯苓二錢

川芎一錢

焦山查二錢

神麴二錢

杏仁二錢

炒白芍一錢

枳實八分

川貝母一錢

枇杷葉露一盞 沖

水全煎服

土虛濕聚。不主健運。痰食留滯中焦。致有痞滿之患。擬用平胃散主之。

製蒼朮二錢

川樸一錢 薑汁炒

橘紅一錢

炙甘草一錢

生薑兩片

大棗三枚

水全煎服

脾胃為倉廩之官。胃虛不能容受。故飲食不思。脾虛不能運化。故

積滯不化。皆由土虛氣弱之故。法宜攻補兼施。為扶正却邪之計。

方擬于后。

人參三兩

白朮二兩 土炒

炒麥芽二兩

陳皮二兩

枳實 三兩

山楂肉 一兩五錢

右藥共研為末用神麴四兩糊為丸每服三錢米湯送下。金匱云堅而不移者名為積病在臟推移不定者名為聚病在腑皆由中土虛衰血氣不運茲用攻伐消導之劑兼加養正扶元之品方列后

肉桂 一錢

炮薑 三錢

川樸 四錢

吳茱萸 三錢

炒白朮 二錢

黃芩 二錢

茵陳 三錢
酒炒

川連 六錢

辰砂 八分

巴豆霜 三分

右藥煉蜜為丸每服二錢燈草湯下

初起曾有寒熱腕左隱癰作痛脈形弦細舌苔滯膩是溼熱痰食交阻為患擬用消導法

製半夏 二錢

白茯苓 三錢

山楂肉 一錢五分

青皮 一錢五分

蘇梗 一錢

雞內金 三錢

沉香 五分
沖

陳皮 一錢

硃砂 三分

香圓 一錢

中虛陽弱寒積內停服遞當臍而痛連及腰脅身常慄慄惡寒擬通陽以驅沉痼益火以消陰翳擬方列左

肉桂 八分

泡附子 八分

人參 二錢

白茯苓 三錢

炒白朮 二錢

肉苁蓉 二錢

烏藥 一錢五分

木香 一錢

肝胃不和兼有寒積脘間脹滿作痛脈沉弦而緊舌苔白膩口渴不欲引飲大便似利不利恐為藏結之證治法最為棘手非溫無以通其陽非下無以破其結擬用許氏溫脾法主之

附子 泡一枚

肉桂 五分

乾薑 八分

川樸 一錢

大黃 二錢酒蒸

枳實 一錢

水全煎服

自述昔年經阻半載疑為有孕後下污穢臭水甚多因而漸結成塊八九年來其形漸長漸大靜則伏於臍旁動則上攻至脘連及兩脇想係水寒氣血瘀聚而成但久病宜用緩攻之法匪可急切



以圖功擬方開列于后

肉桂 一錢

香附 炒一兩

桃仁 炒五錢
炒去皮尖

甘遂 三錢
麩煨

五靈脂 五錢
醋炒

川楝子 五錢
用巴豆七粒炒後去豆

地鼈蟲 廿錢
酒浸一箇

三稜 醋一兩
炒

蓬莪朮 醋一兩
炒

右藥共研細末煉蜜為丸如梧桐子大每服十九早晚開水送下
左脇有形攻痛發則上衝至腕其積在肝乃肥氣也

柴胡 二錢

鱉甲 二錢

川樸 一錢
薑汁炒

陳皮 一錢
去白

大麥芽 二錢

川芎 一錢

扁蓄 一錢

瞿麥穗 一錢

沉香 五分

木香 五分

大黃 三錢

青皮 一錢

蓬莪朮 一錢

水全煎服

六腑濁滯為之聚推之自能移動病屬於陽由氣機流行不暢濕阻熱蒸腸中變化傳導失司茲做東垣法

川樸 一錢

川連 八分

山查肉 二錢

青皮 一錢



雞內金 二錢

木香 八分

蘿蔔子 一錢

蘆薈 八分

色黃脈弦。內有積聚。脾胃受傷。腹大青筋。突露勢恐成為膨脹。但病已年餘之久。正氣已虛。必須疏補兼施。以緩攻取效為宜。

川連 一兩

生白朮 四兩

厚樸 二兩

陳皮 二兩

雞內金 三兩

薑汁 三杯

右藥研為末。水泛為丸。如梧桐子大。每服三錢。開水送下。

推之著而不移。知為陰邪。聚絡脈弦而緩。攻伐恐非所宜。姑用辛溫入絡一法。

肉桂 七分

當歸鬚 三錢

延胡索 二錢

橘核 二錢

韭白 一錢

水全煎服

右脇攻痛作脹。時發時止。乃濁陰聚而成癥。病在絡脈。擬以和營

通絡為主。

肉桂 一錢

當歸身 三錢

小茴香 一錢

青蔥管 一尺

右脇積聚有形動則攻痛是名息賁此為肺積右脈形浮滑內必挾有熱痰是以乾咳心煩腕悶作脹擬用平胃散加味治之

製蒼朮 二錢

桑白皮 一錢五分

白豆蔻 一錢五分

川芎 一錢

大麥芽 二錢

瞿麥穗 一錢

川樸 一錢

陳皮 一錢

黃鬱金 一錢

淡黃芩 一錢五分

黃連 一錢五分

扁蓄 一錢

大黃 三錢
酒蒸

沉香 五分

木香 五分

生薑 三片

肝鬱氣滯少腹攻逆而痛脈形弦澹擬先條達木氣免令延成中滿

大麥芽 一錢

山查肉 二錢
炒

白茯苓 一錢

青皮 五分

製香附 一錢五分

雞內金 一錢五分

香圓皮 八分

縮砂仁 三分
沖

病由悒鬱而起肝木不舒胃土必受其侮病久入絡左脇聚積有

形發必嘔吐涎沫酸濁寤不成寐便閉忽瀉急攻防變脹滿宜緩

圖為妥擬方列后

吳茱萸 一兩五錢

製半夏 二兩

左牡蠣 三兩

桃仁 八錢
去皮尖